



BOSNIA AND HERZEGOVINA  
FEDERATION OF BOSNIA AND HERZEGOVINA  
PARLIAMENT OF THE FEDERATION  
Council of National Minorities

Broj, 04/5-02-1170/23

Sarajevo, 31.3.2023.godine

## ZAPISNIK

### Sa 12. sjednice Vijeća nacionalnih manjina Federacije Bosne i Hercegovine, održane 31.3.2023.godine.

Dvanaesta sjednica Vijeća nacionalnih manjina Federacije Bosne i Hercegovine održana je 31.3.2023.godine, sa početkom u 11,00 sati.

Prisutni na sjednici su bili sljedeći članovi: Hidajeta Redžić, Džemina Zejnullahu, Elma Softić-Kaunitz, Davor Ebner, Bruno Palestra, Mišo Ćirko, Velibor Kuvač, Violeta Džolan, Zehra Obarčanin, Irma Muratović, Admir Biberović, Alaga Suljić, Elvisa Jusić, Mehmed Suljić, Vladimir Lukičević, Davorka Drijenčić, Emil Bakoš.

Sjednici nisu prisustvovali: Emin Fafulić, Nermin Geca, Dervo Sejdić, Dejan Piotrovski.

Sjednicom je predsjedavala Hidajeta Redžić, predsjedavajuća Vijeća nacionalnih manjina Federacije Bosne i Hercegovine.

Za 12. sjednicu Vijeća nacionalnih manjina Federacije Bosne i Hercegovine predložen je sljedeći:

#### DNEVNI RED

1. Usvajanje Zapisnika sa 11. sjednice Vijeća nacionalnih manjina FBiH;
2. Definiranje stava i prioriteta Vijeća nacionalnih manjina FBiH uoči radnog sastanka „Jačanje uloge savjetodavnih tijela nacionalnih manjina“ koji će biti održan 6. 4. 2023. godine u Brčkom;
3. Razmatranje dopisa Udruženja "Romska suza Zenica" broj: 04/5-02-1145-123 od 21.03.2023. godine u vezi CEB projekata;
4. Razmatranje dopisa Federalnog ministarstva pravde broj: 09-45-890/23 od 15.03.2023. godine;
5. Tekuća pitanja.

Hidajeta Redžić, predsjedavajuća Vijeća nacionalnih manjina Federacije Bosne i Hercegovine je stavila na glasanje predloženi Dnevni red, koji je jednoglasno usvojen.

#### 1. Usvajanje zapisnika sa jedanaeste sjednice Vijeća nacionalnih manjina FBiH;

Predsjedavajuća Vijeća je pozvala prisutne članove na glasanje o usvajanju zapisnika sa jedanaeste sjednice Vijeća nacionalnih manjina, napomenuvši da ukoliko ima neko primjedbe ili sugestije da iznese iste. Kako nije bilo primjedbi, **zapisnik je jednoglasno usvojen.**

## **2. Definiranje stava i prioriteta Vijeća nacionalnih manjina FBiH uoči radnog sastanka „Jačanje uloge savjetodavnih tijela nacionalnih manjina“ koji će biti održan 6. 4. 2023. godine u Brčkom;**

Predsjedavajuća je upoznala Vijeće da OSCE, ako organizator sastanka želi da doprinese u jačanju uloge Vijeća nacionalnih manjina na svim nivoima, te su dali Vijeću vremena do pomenutog sastanka da usaglase i na sastanku iznesu svoje prijedloge, načine na koji se može unaprijediti status Vijeća nacionalnih manjina i pripadnika nacionalnih manjina. Predsjedavajuća je predložila da jedan od prijedloga bude unapređivanja statusa Vijeća, koje je trenutno savjetodavno tijelo Parlamenta, u ovlaštenog predlagača Zakona. Drugi prijedlog se odnosi na intenziviranje saradnje između Vijeća na svim nivoima, kao i održavanje zajedničkih sjednica Vijeća na svim nivoima, najmanje dva puta godišnje. Džemina Zejnullahu je istakla da je jako važno angažovati vanjskog eksperta, pravnika, koji bi stavove vijeća formulisao i zastupao Vijeće. Predsjedavajuća je istakla da je ranije na Vijeću predložen gospodin Šehić, te da je istog kontaktirala, ali je uz opravdane razloge morao da odbije. Za riječ se javio Velibor Kuvač, koji je istakao da Federalno Vijeće ima problem sa priznavanjem njihovih osnovnih prava, njegove uloge u državi. Mehmed Suljić je istakao da ovu problematiku vidi kroz nekoliko mjera i ciljeva da bi svoja statusna pitanja kao statusno tijelo poboljšali a za koje smatra da Vijeće treba predložiti na sastanku, a to su: usklađivanje programa rada i programa djelovanja nacionalnih manjina sa međunarodnim ugovorima na području ljudskih prava (ostvarivanje ljudskih manjinskih prava, praćenje međunarodnog zakona zaštite nacionalnih manjina, praćenje politika prema nacionalnim manjinama u drugim zemljama, sudjelovanje u izgradnji međunarodnog zakona i sistema zaštite nacionalnih manjina, usklađivanje zakonodavstva sa propisima EU); uključivanje nacionalnih manjina u društveno-politički život; očuvanje tradicije i kulture nacionalnih manjina; usklađivanje zakonskih, administrativnih i drugih prepreka u postupcima ostvarivanja statusnih prava nacionalnih manjina, zapošljavanje osoba iz reda nacionalnih manjina.

Predsjedavajuća je pozvala članove Vijeća da se prijave za sastanak u Brčkom.

Vijeće je jednoglasno donijelo:

### **ZAKLJUČAK**

**Vijeće nacionalnih manjina FBiH, na radnom sastanku „Jačanje uloge savjetodavnih tijela nacionalnih manjina“ koji će biti održan 6. 4. 2023. godine u Brčkom, će predstavljati i zastupati Džemina Zejnullahu, Zehra Obarčanin, Hidajeta Redžić i Elma Softić-Kaunitz.**

## **3. Razmatranje dopisa Udruženja "Romska suza Zenica" broj: 04/5-02-1145-123 od 21.03.2023. godine u vezi CEB projekata;**

Predsjedavajuća je upoznala članove Vijeća da je Udruženje Romska suza Zenica se obratilo Vijeću u vezi izgradnje stambenih jedinica, koje nije realizovano, a čemu je bilo rok decembar 2022. godine. Naglasili su da 69 stambenih jedinica nije izgrađeno. Nakon diskusije, Vijeće je donijelo jednoglasno sljedeći:



## ZAKLJUČAK

**Vijeće nacionalnih manjina će uputiti dopis Gradu Zenica, Vijeću nacionalnih manjina Bosne i Hercegovine i Ministarstvu raseljenih osoba i izbjeglica, u kojim će tražiti odgovor na pitanje zašto izgradnja stambenih objekata nije realizovana.**

### **4. Razmatranje dopisa Federalnog ministarstva pravde broj: 09-45-890/23 od 15.03.2023. godine;**

Predsjedavajuća je upoznala Vijeće da je Federalno ministarstvo pravde odgovorilo na dopis Vijeća, kojim se tražilo poštivanje zakonskih odredbi koje definišu da je Ministarstvo dužno da osigura potrebna finansijska sredstva za finansiranje aktivnosti udruženja, te je obavijestilo Vijeće da je za to pitanje nadležno Federalno ministarstvo finansija, kojem su prosljedili dopis Vijeća.

### **4. Tekuća pitanja.**

Predsjedavajuća je upoznala članove da se Vijeću obratio Savjetodavni komitet za okvirnu konvenciju za zaštitu nacionalnih manjina te obavijestili Vijeće da planiraju posjetiti i boraviti u Bosni i Hercegovini od 24. do 28. aprila 2023. U sklopu ove posjete i praćenja implementacije Okvirne konvencije u Bosni i Hercegovini, traže sastanak sa Vijećem nacionalnih manjina FBiH. Predloženi datum za ovaj sastanak je 27.4.2023. u jutarnjim satima u Sarajevu. Džemina Zejnullahu je predložila da se sastanak održi na dan kada se i redovna sjednica Vijeća bude održavala, a o čemu će se naknadno Vijeće dogovoriti.

Sjednica je završena u 12:00 sati.

\*\*\*

**PREDSJEDAVALA VIJEĆA**

Hidajeta Redžić